

Ժողովուրդ

81
(2931)

18 հունիսի երեքշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՄԱՐԶՊԵՏԸ՝ ՄԱՐՄԱՆԱԶԱՏՄԱՆ ՄԱՍԻՆ



«Ժողովուրդ» օրաթերթի տեղեկությունների համաձայն՝ վերջերս Գեղարքունիքի մարզպետ Կարեն Սարգսյանը հանդիպում է ունեցել մարզի տարբեր ներկայացուցիչների հետ: Թե՛ քննարկումներ են եղել, որոնց ընթացքում Կարեն Սարգսյանը հայտարարել է, որ շուտով սկսվելու է Գեղարքունիքի մարզի սահմանազմման եւ սահմանազատման աշխատանքները:

Հիշեցնենք, որ Գեղարքունիքում ադրբեջանական զինված ուժերը հաստատվել էին դեռ 2021 թվականի մայիսի 12-ից:

Նրանք մեծաքանակ զինվորականներով եւ զինտեխնիկայով հատել էին Հայաստանի Հանրապետության տարածքը Սյունիքի մարզի Սեւ Լճի տեղամասում, ապա նաեւ Գեղարքունիքի մարզի Վերին Շորժա եւ Կուբ բնակավայրերի տեղամասում եւ դիրքավորվել:

Կարեն Սարգսյանը վստահեցրել է, որ այն տարածքները, որտեղ ադրբեջանական ուժերն են այսօր օկուպացրել, հետ են գնալու, ազատելու են մեր տարածքները:

Սարգսյանը վստահեցրել է, որ սահմանազատումն անձամբ ինքն է իրականացնելու մարզում, տիրապետելու է բոլոր տվյալներին եւ գործողություններին, հավատացրել է՝ անհանգստանալու ոչինչ չկա: Ըստ մարզպետի՝ Ադրբեջանը հետ է գնալու առանց որեւէ խնդրի:

Բայց, չնայած մարզպետի լավատեսությանը, հարեւան բայց ոչ ամենեւին բարեկամ Ադրբեջանն այլ բան է հոխորտում: Մասնավորապես՝ Ալիեւը 2020 թվականի պատերազմից հետո մի քանի անգամ հայտարարել է, որ իր զորքերը հետ չեն քաշվելու, եւ սրան զուգահեռ Հայաստանից նոր տարածքների գավթման պահանջներ է դնում՝ ՀՀ ողջ տարածքը համարելով Ադրբեջան եւ պահանջելով փոխել ՀՀ Սահմանադրությունը:

«Ժողովուրդ» օրաթերթը փորձեց մարզպետից տեղեկանալ՝ որտեղից ունի վստահություն, որ ամեն ինչ Գեղարքունիքի բնակիչների սրտով է լինելու:

«Ես բնակիչների հետ հանդիպում միշտ ունեցել եմ, բայց այդ թեմայով քննարկում չեմ հիշում», - ստեց Կարեն Սարգսյանը:

Ստացվում է, որ Կարեն Սարգսյանի վստահությունը եւ հավաստիությունը, թե ամեն ինչ լավ է լինելու եւ առանց խնդիրների, մտացածին է, քանի որ Ալիեւն ինքն է ամեն օր քար նետում խաղաղության գործընթացի վրա:

Երեկ ՀՀ իշխանությունները ազդարարեցին հերթական ծախսողման մասին: Երեւանի քաղաքապետարանի գործակալազգավարական նիստի ժամանակ հայտարարվեց, որ միասնական տոմսային համակարգի, այն է՝ տրանսպորտի թանկացման նախագծի ներդրման ժամկետները երկարաձգվում են: Միասնական տոմսային համակարգը պետք է ներդրվեր սեպտեմբերի 1-ից, սակայն երեկ հայտարարվեց՝ համակարգի ներդրումը կհետաձգվի այնքան ժամանակ, մինչեւ նոր ավտոբուսները գան եւ երթուղի մտնեն: Ընդ որում, հստակ ժամկետներ էլ չնշվեցին՝ որքան ժամանակով է այն հետաձգվում, միայն փոխադրաբար Սուրեն Գրիգորյանը հայտնեց, որ նոր ավտոբուսների ներմուծումը ժամանակացույցով նախատեսված է հոկտեմբերի վերջին կամ նոյեմբերի սկզբին: Այսինքն՝ կարող ենք արձանագրել, որ իշխանությունները սխալ հաշվարկների պատճառով հերթական անգամ ծախսողել են, այս անգամ՝ իրենց կողմից մեծ շուքով եւ աղմուկով անոսպած նախագիծը, որը հանրության շրջանում էլ դժգոհությունների մեծ ալիք էր բարձրացրել: «Ժողովուրդ» օրաթերթը տեղեկություններով՝ ՔՊ-ում այս ծախսողման պատասխանատու համարում են փոխքաղաքապետ Սուրեն Գրիգորյանին, ում համակարգման տակ է եղել այս նախագիծը եւ ծախսողվել: Բանն այն է, որ Սուրեն Գրիգորյանը, բացի ձեռքը գրպանում քաղաքացիների հետ արագ անհասկանալի զրույց ծավալելու գործառնությից, տրանսպորտի հարցով որեւէ այլ քայլով աչքի չի ընկել:



«Ժողովուրդ» օրաթերթին հայտնի է դարձել, թե իրավապահները ինչ հարցեր են տալիս քաղաքացիներին, որոնք հունիսի 12-ին Բաղրամյան պողոտայում ոստիկանների կողմից կիրառված լուսաձայնային նռնակներից վիրավորում էին ստացել: Մասնավորապես, նրանք քաղաքացիներին հարցնում են, թե ինչ գործ ունենին Բաղրամյան պողոտայում, արդյոք իրենց ստիպել են ու տարել են ակցիայի կամ շահագրգռել: Դատելով իրավիճակից՝ իրավապահները տուժած քաղաքացիներին հարցաքննում են ոչ թե նրանց հետ կատարվածի մեղավորներին՝ ասել է թե՛ ոստիկաններին պատժելու եւ նրանց իրավունքները պաշտպանելու համար, այլ՝ քաղաքացիներին հանրահավաքի իրավիճակներին կամ կազմակերպողներին հայտնաբերելու նպատակներով: Ի դեպ, նռնակների պայթյուններից տուժած շատ քաղաքացիներ էլ դեպքից 6 օր անց դեռ սպասում են դատաբժիշկներին, որոնք ուշացնում են հասարակ եզրակացությունների տրամադրումը: Այս պատկերին զուգահեռ իրավապահները ակտիվ գործընթաց են սկսել եւ «քաղաքական հրահանգի արդյունքում» կալանավորում են «Տավուշը հանուն հայրենիքի շարժման մասնակիցներին»: Ապրիլից մինչեւ օրս տեղի ունեցած ակցիաների հետեւանքով կալանավորված է 29 քաղաքացի: «Ժողովուրդ» օրաթերթի տեղեկություններով՝ առաջիկայում նոր կալանավորումներ եւս կլինեն:



Երեկ ԱԺ նախկին պատգամավոր Անի Սամսոնյանը հայտարարեց, որ դուրս է գալիս «Լուսավոր Հայաստան» կուսակցությունից: Չնայած, որ Սամսոնյանն իր գրառման մեջ պատճառների մասին չէր խոսել, սակայն «Ժողովուրդ» օրաթերթին որոշ մանրամասներ են հայտնի դարձել այս մասին: Նախ՝ տեղեկացանք, որ Անի Սամսոնյանը դեռ վաղուց է ԼՀԿ-ն լքելու մտադրություն ունեցել, քանի որ տեւական ժամանակ տարբեր հարցերի շուրջ տարածախոսություններ է ունեցել կուսակցության առաջնորդ Էդմոն Մարուքյանի հետ: Մեր տեղեկություններով՝ այդ տարածախոսությունները դեռ եղել են այն ժամանակ, երբ պատերազմից ու ցավալի կորուստներից հետո Էդմոն Մարուքյանը որոշեց ստանձնել Նիկոլ Փաշինյանի՝ հատուկ հանձնարարություններով դեսպանի պաշտոնը ու տարբեր առիթներով աջակցում էր իշխանություններին: Մեր աղբյուրների փոխանցմամբ՝ Սամսոնյանի ու Էդմոն Մարուքյանի միջեւ տարածախոսությունները վերջին ժամանակահատվածում ավելի են խորացել, ինչի արդյունքում Սամսոնյանը որոշել է այլեւս իր ճանապարհը չջարունակել կուսակցության ներսում: Տեղեկացրել է Մարուքյանին ու լքել ԼՀԿ շարքերը: Նշենք, որ Սամսոնյանը կուսակցության առանցքային դեմքերից է, ու ակնհայտ է, որ այս որոշումը խոր արմատներ ունի: Ի դեպ, Անի Սամսոնյանը առաջիններից էր, որ Սրբազան շարժմանը իր աջակցությունն է հայտնել ու, կարծես թե, դա եւս նպաստել է վճռական որոշում կայացնելուն՝ ԼՀԿ-ից հեռանալու համար: Ըստ մեր տեղեկությունների՝ Սամսոնյանը քաղաքականությունը չի թողնելու, իր ակտիվ գործունեությունը կշարունակի, սակայն դեռեւս պարզ չէ, թե ինչ ձեւաչափով: Անի Սամսոնյանը հայտարարել է, որ կուսակցությունը լքելու հետ կապված որեւէ մեկնաբանություն չի անելու. այդպես է որոշել, եւ վերջ: Հիշեցնենք, որ ԼՀԿ-ն լքած առաջին կին ներկայացուցիչ նախկին պատգամավորը Աննա Կոստանյանն էր, որը այժմ Սրբազան շարժման ակտիվ մասնակիցն է, արմատական ընդդիմություն:



ԶՐՈՒՅՑ

«ՎՏԱՆԳԱՎՈՐ ԲԱՅՅ ԵՎ ԱՄՈԹԱՆԻ ՎԻՃԱԿ Է». ԲԱԲԱՅԱՆ

Քաղաքական ներկա իրավիճակի, ժողովրդական բարձրագույն և այլ թեմաների առնչությամբ «Ժողովուրդ» օրաթերթը գրուցել է Էֆսրասենու Սոսե Բաբայանի հետ:

-Տիկին Բաբայան, այսօր կիզակետում մի իրավիճակ, երբ ժողովուրդը դրսում պահանջում է Նիկոլ Փաշինյանի հրաժարականը, ակցիաներ են իրականացվում, սահմանին լարված է, խնդրում ենք պատմել Ձեր կանխատեսումների մասին այս առիթով, արդյո՞ք Նիկոլ Փաշինյանը կտա հրաժարական, եւ եթե կանի դա, ապա ե՞րբ:

-Այդ հարցը կանխատեսումներից դուրս էտապում է, որովհետեւ Հայաստանի Հանրապետությունն այսօր աղետալի վիճակում է գտնվում, դեռ շատ մարդիկ ստիպված լքելու են իրենց տունն ու հայրենի օջախը, քանի որ իրենց տները թշնամուն են անցնելու, եթե վարչապետը զգում է, գիտի դա, եւ ոչ մի բանալի չկա, որով ժողովրդին կարող է հանել այս վիճակից, իսկ Ադրբեյջանն էլ դա զգում է, այս խնդիրները թույլ չեն տալիս լավատեսորեն մտածել եւ դուրս գալ այս գերությունից: Ինչպե՞ս է ղեկավարն իրեն թույլ տալիս տասնյակ հազարավոր մարդկանց անվանարկելու, միայն նրա համար, որ իրենց գաղափարակից չեն: Իրենք Արցախի հայաթափման մեղավորներն են, եւ դրա դեմ ոչինչ անել չկարողացան, իսկ այսօր մեղադրում են այն արցախցուն, որը շարժմանն է միանում:

Այս տառապալի երեւոյթը բոլորիս համար է վտանգավոր, մենք այլեւ չենք ուզում ողբալ, բայց ցավոք նման վիճակում ենք:

Հիմա պատերազմ է եղել, Փաշինյանն ասում է՝ դավաճաններ շատ կային, բայց մենք չենք տեսնում ու՞րեք են այդ դավաճանները:

Այդքան խոսում են դավաճաններից, եթե իսկապես եղել են նրանք, ապա թող հրապարակավ ժողովրդին հայտարարեն նրանց անուններն ու պատժեն՝ անկախ



նրանից գեներալ է, թե շարքային զինվոր:

Ես զարմանում եմ նաեւ, թե ինչպես են բոլոր բնագավառներում նշաճող քայքայում, առողջապահական, կրթական եւ այլ ոլորտներում մասնագիտական նշաճող չի պահվում: Մեր բնագավառում անգամ ես կողմ եմ, որպեսզի ֆիլտրեն, եւ այն էքստրասենսներին, որոնք խաբուսություն են զբաղված, հեռացնեն ոլորտից: Նույն կերպ եւ պաշտպանության ոլորտում, երբ ռազմի դաշտում գտնվող զինվորը զգում է, որ բանակն ուժեղ է, նա չի մտածում, որ պարտություն կկրի. սա է նաեւ մեր խնդիրը:

Հիմա 2024 թվականն է, այս տասնյակ տարիների ընթացքում մենք ներքին կարգով «հարստացանք», մինչդեռ ամեն մի շենք որքան ՀՕՊ կարող էր արժենալ: Փաշինյանն ինքն ասում է, որ

Ադրբեյջանը գրավեց Արցախն ու այն անվանեց է Արեւմտյան Ադրբեյջան: Ալի-եյն էլ նշում է՝ «Մենք չենք պարտադրել, որ Կիրանցը, Ոսկեպարը հանձնեն Ադրբեյջանին, նրանք վախի զգացողության ազդեցության ներքո, պատերազմի եւ նոր գոհեղի ջգնալու համար տրամադրել են մեզ այդ տարածքները: Սա ստորացուցիչ ու ամոթալի է մեզ համար: Վտանգավոր վիճակ է Սյունիքի սահմաններին եւ ոչ միայն, մի՞թե չեն մտածում այս ղեկավարները, որ վաղը կարող են մտնել Հայաստանի սուվերեն տարածք: Ինչպե՞ս են ասում, թե ապահով է Հայաստանը:

Ես վստահ եմ սակայն՝ դավաճաններն իրենց պատիժը ստանալու են, եւ «Սամվելի «սուրը սպանելու է դավաճան հորը»:

Զրուցեց ԱՆՆԱ ՍՐԱՊԻՈՆՅԱՆԸ

ՀԱՄԱՏԵՂ ՀԱՅՏԱՐԱՐՈՒԹՅՈՒՆ

Ա. ԹԱԹՈՅԱՆԻ ԵՎ Գ. ՄՏԵՓԱՆՅԱՆԻ ԱՆԴՐԱԴԱՐՁԸ

ՀՀ նախկին ՄԻՊ Արման Թաթայանն ու ԱՀ ՄԻՊ Գեղամ Մսեփանյանը համատեղ հայտարարություն են արձանագրում առաջադրված հունիսի 12-ին ՀՀ Ազգային ժողովում Նիկոլ Փաշինյանի կողմից արված հայտարարությունների, որոնք վերաբերում էին Արցախի քաղաքական վերնախավին եւ արցախցիներին:

Խստագույնս դատապարտելի է իշխանությունների կողմից արցախցիների նկատմամբ ուղղորդված ատելության խոսքը, ինչն արտահայտվեց նաեւ հունիսի 12-ին Ազգային ժողովում ՀՀ վարչապետի հայտարարություններում: Դրանից հետո սոցիալական մեդիայի տարբեր հարթակներում ավելի են սաստկացել արցախցիների նկատմամբ վիրավորանքներն ու ատելության խոսքը, նրանց ծաղրելու դրսևորումները:

Էթնիկ գտումների գոհ դարձած Արցախի ժողովրդին ամեն ինչում մեղադրելու, ամեն հարցում թիրախավորելու այս արատավոր երեւոյթը դառնում է հանրության մեջ արցախցիների նկատմամբ ատելության գեներացման եւ լայն տարածման պատճառ:

Բազմաթիվ են օրինակները, երբ այդ արձավը տարածում ու անգամ ուղղորդում է Հայաստանի հանրային հեռուստաընկերությունը, որը բռնի տեղահանված արցախցիների՝ հայաստանյան հասարակությանն ինտեգրմանն ու հանրային համերաշխությանը նպաստելու փոխարեն մասնակից է դառնում հայության մի հատվածի նկատմամբ տարվող ատելության գեներացմանը: Հանրային հեռուստաընկերության՝ որպես Կառավարության հիմնադրած ընկերության նման քաղաքականությունը ակնհայտ է դարձնում, որ սա իշխանությունների մտադրված քաղաքականություն է:

Նշվածից բացի, բազմաթիվ վկայություններ փաստում են, որ հավաքների վայրերից բերման ենթարկված արցախցիների նկատմամբ ոստիկանության ներկայացուցիչները դրսևորում են առանձնակի թիրախավորում, որն ուղեկցվում է արժանապատվությունը նվաստացնող արտահայտություններով, իրավապահ մարմինների ներկայացուցիչների կողմից Արցախի կորստի մեջ արցախցիներին մեղադրելու, Հայաստանում «տեղ չունենալու», «հյուր լինելու» եւ այլ վիրավորական արտահայտություններով:

Արցախի համայնքների ղեկավարների, մասնավորապես՝ Ստեփանակերտի, Մարտակերտի, Ասկերանի, Հաթրեքի համայնքապետերի նկատմամբ հարուցված քրեական հետապնդումները, նրանց ձերբակալումներն ուղեկցվում են ակնհայտ քաղաքական հովանավորչությամբ. դրանք նաեւ որեւէ իրավական հիմք չունեն: ՀՀ իշխանությունները չունեն Արցախի պետության նկատմամբ Արցախի համայնքային կամ պետական պաշտոնյաների պարտավորություններ, նրանց արարքների քննության որեւէ իրավասություն: Հայաստանի իշխանություններն իրենք են հրաժարվել Արցախի հետ իրավական ու անգամ բարոյական բոլոր առնչություններից:

Վերոնշյալ համայնքապետերի դեմ հետապնդումները սկսվեցին, եւ նրանք զրկվեցին ազատությունից՝ Հայաստանում իրենց քաղաքացիական, այդ թվում՝ հավաքների մասնակցության կամ այդ հավաքներին աջակցություն հայտնելու համար:

«Լուսավոր Հայաստան» կուսակցության արդեն նախկին անդամ Անի Սամսոյանը գրում է.



ՈՐՏԵՂ ԿԼԻՆԻՔՆԵՐԻ ԲՊ ՔԱՂԱՔԱԿԱՆ ԺՈՂՈՎԸ

«Ժողովուրդ» օրաթերթին հայտնել են, որ «Քաղաքացիական պայմանագիր» կուսակցությունը շաբաթ օրը՝ հունիսի 22-ին, Նիկոլ Փաշինյանի գլխավորությամբ քաղաքական ժողով կանի:

Սա կուսակցության 4-րդ քաղաքական ժողովն է:

Կուսակցության աշխատակազմի ղեկավար Արուսյակ Մանավազյանը մեզ հայտնեց, որ ժողովը տեղի է ունենալու Հանքավանում:

Հիշեցնենք, որ կուսակցության քաղաքական առաջին ժողովը տեղի էր ունեցել 2022թ.-ի դեկտեմբերին՝ Ջերմուկ քաղաքում, երկրորդ ժողովը՝ 2023թ.-ի հունիսին՝ Դիլիջանում, իսկ ԶԳ քաղաքական երրորդ ժողովը տեղի էր ունեցել 2023թ.-ի դեկտեմբերին՝ Գյումրիում:

Նշենք, որ քաղաքական ժողովին մասնակցում են կուսակցության վարչությունը, պատգամավորները, մարզպետները, տարածքային կառույցների ղեկավարները եւ հրավիրյալները:

ԱՐՏԱՔԵՐԹ ՆԻՍՏԵՐ ԿՐԻԱՎԻՐԵՆ

Աժ հանձնաժողովներն արտահերթ նիստեր կիրաւիրեն:

«Ժողովուրդ» օրաթերթը Աժ-ից տեղեկացավ, որ հունիսի 17-ին՝ 18:30-ին, նիստ է պլանավորված, սակայն այն տեղի չունեցավ, քանզի բավարար որ քվորում չէր ապահովվել:

Օրակարգում հունիսի 21-ին՝ ժամը 11:00-ին, Աժ նիստերի դաիլինում «Հայաստանի՝ Եվրոպական միությանն անդամակցության հայտ ներկայացնելու հարցով հանրաքվե անցկացնելու առաջարկի շուրջ» թեմայով խորհրդարանական լսումներ կիրաւիրելու հարցն է:

Հաջորդ շաբաթ՝ հունիսի 25-ին, նիստ է անելու պաշտպանության եւ անվտանգության հարցերի մշտական հանձնաժողովը, նիստի օրակարգում «Զինվորական ծառայության եւ զինծառայողի կարգավիճակի մասին» օրենքում փոփոխություններ եւ լրացումներ կատարելու մասին հարցն է:

ՍԱՄՍՈՆՅԱՆԸ ԼՔԵՑ «ԼՈՒՍԱՎՈՐ ՀԱՅԱՍՏԱՆ»-Ը

«Լուսավոր Հայաստան» կուսակցության արդեն նախկին անդամ Անի Սամսոյանը գրում է.

««Լուսավոր Հայաստան» կուսակցությունում ես իմ թիմի հետ անցել եմ բարդագույն քաղաքական ճանապարհ: Դուք եղել եք իմ կողքին, ես եղել եմ ձեր կողքին: Դուք բոլորը իմ ընկերներն եք: Բայց ես պետք է ասեմ, որ իմ առաքելությունը կուսակցությունում ավարտված է: Մայիսի 29-ին դիմել եմ ԼՀԿ Կառավարման խորհրդին իմ լիազորությունները խորհրդում եւ անդամակցությունս կուսակցությունում դադարեցնելու համար: Լրացուցիչ մեկնաբանություններ չունեմ եւ չեն լինելու: Քաղաքական գործունեությունս շարունակելու եմ», - ասված է հրապարակման մեջ:

ԻՐԱՎԻՃԱԿ

ՄՇՏԱԴԻՏԱՐԿՈՒՄ

ԱՆՀԱՄԱՏԵՂԵԼԻՈՒԹՅԱՆ ՊԱՐՊԱՆՈՒՄ

«ՄԱՐԴԻԿ ԿԱՌՉԱԾ ԶԵՆ ՄԱՆԴԱՏՆԵՐԻՑ» ՍՐԲԱԶԱՆ

«Անդրիմադիր պատգամավորների մանդատները վայր դնելու քննարկումները շատ են եղել, հավատացե՛ք՝ մարդիկ կառչած չեն մանդատներից», - այս մասին լրագրողների հետ զրույցում ասաց «Տավուշը հանուն հայրենիքի» շարժման առաջնորդ Բագրատ Սրբազանը՝ պատասխանելով հարցին՝ չե՞ք գտնում, որ ընդդիմությունը խորհրդարանում հարց չի կարող լուծել, իմպիչմենտի գործընթաց չի հաջողվում սկսել, ժամանակը չէ՞, որ մանդատները վայր դնեն, գուցե քաղաքական ճգնաժամ առաջանա:

«Վայր կղնեն այն ժամանակ, երբ արդյունավետ կլինի: Մանդատները խորքում որեւէ նշանակություն չունեն: Իրենք էլ են ասել, որ մանդատներ վայր դնելու հարցը օրակարգում միշտ էլ կա, կախում ունի, թե դրա արդյունավետությունը ո՞րն է լինելու, ի՞նչ ժամանակ, ինչպե՞ս: Անիմաստ կերպով մանդատ վայր դնելն ինչի՞ է ծառայելու, բայց օրակարգում կա դա, իրենք էլ են հասկանում, թե ինչ վիճակում են գտնվում», - ասաց Սրբազանը:

Անդրադառնալով ՔԿ կողմից կաշառք բաժանելու մեղադրանքներին՝ Բագրատ Սրբազանն ասաց, որ Արգիշտի Զյարամյանն ու իր կառույցը, դժբախտաբար, մաս են կազմում այս հանցագործ իշխանության ամբողջ գործունեությանը:

«Անդհանրապես, իրավական համակարգն այսօր ծառայում է մեկ մարդու, եթե այդքան արդար են իրենք ուստիականական բռնությունների հանդեպ ինչո՞ւ որեւէ «ծպտուն» չեն հանում, թե՛ ուստիականության կանոնադրում այդպես է գրված:

Գրված է, որ մարդկանց հայր, մայր, ընտանիք ինչ ասես կարող են հայրույնել, գրված է, որ երեխա կծեծեք, կանանց, երեխաների վրա ռումբ կնետեք՝ այն էլ արգելված... Գրված են դրանք: Արգիշտի Զյարամյանը, եթե արդար մարդ է իր քննչական կոմիտեով, ուրեմն նաեւ դրա հետաքննությունը պետք է անի: Մեր երկրում քաղաքացիները որեւէ կողմից պաշտպանված չեն, եւ նրանք էլ ենթարկվում են մի մարդու քննադատությանին՝ ինչ հրամայում են, դա էլ անում են, այդ պահին խելքը ինչ փչեց, այդպես էլ անում է իրավապահ համակարգը: Կարծում են՝ այս բռնաճնշումներով պետք է ճնշե՞ն... Չարաչար սխալվում են», - ասաց նա:

Սրբազանը նշեց, որ երեւի եւս այցելել է հիվանդանոցներ, պետք է կալանավորվածների ընտանիքներին այցելի եւ, ըստ նրա, ոչ ոք ընկրկելու խնդիր չունի: «Նույնիսկ ինձ են պարտադրում, ասում՝ հանկարծ որեւէ կերպով չնահանջես, որ մեզ հետ նման բան է պատահել, ո՛չ, մենք գիտակցաբար ենք գնացել», - պատմեց նա:

«Կոռուպցիայի կանխարգելման հանձնաժողովի մասին» օրենքի 23-րդ հոդվածով՝ կանխարգելման մանդատի բացակայությունը հանձնաժողովին է վերադասվել անհամատեղելիության դաժանների եւ այլ սահմանափակումների կիրառման միասնականության ապահովումը եւ դեռական դաժան գրադեցնող անձանց, համայնքների ղեկավարների, նրանց սեղակավների, երեսան համայնքի վարչական բաժանների ղեկավարների, նրանց սեղակավների, դաժան գրադեցնող անձանց կողմից «Հանրային ծառայության մասին» օրենքով սահմանված անհամատեղելիության դաժանների եւ այլ սահմանափակումների դաժանումները հետեւելը:

ՀՀ կոռուպցիայի կանխարգելման հանձնաժողովի կողմից 2023 թվականին անհամատեղելիություն գտնելու նպատակով թիրախում են հայտնվել եւ մշտադիտարկվել են գործադիր իշխանության՝ կառավարության, կառավարությանը ենթակա մարմինների, վարչապետին ենթակա մարմինների ղեկավար կազմը՝ ընդհանուր պաշտոն զբաղեցնող 108 անձ:

Մշտադիտարկման արդյունքում անհամատեղելիության պահանջների առերեսույթ խախտում արձանագրվել է հանրային պաշտոն զբաղեցնող երկու անձի շրջանում, որոնց նկատմամբ հարուցվել է համապատասխան վարույթ: Վարույթների համար հիմք է հանդիսացել վերջիններից՝ իրենց կարգավիճակով չպայմանավորված պաշտոն զբաղեցնելու սահմանափակ խախտումը, մասնավորապես՝ հանրային պաշտոն զբաղեցնելու զուգահեռ նշված անձինք զբաղեցրել են համայնքի ավագանու անդամի պաշտոնը:

ԿԿԻ-ն 2023 թվականի հունիս ամսվա հաշվետվության մեջ առկա տվյալների համաձայն՝ կարգավիճակով չպայմանավորված այլ պաշտոն զբաղեցնելու, այն է՝ հանրային պաշտոն եւ ավագանու անդամի պաշտոնի մեկտեղման դեպքերը եւ



դրանց արձանագրումը առերեսույթ աճել է հաշվետու ժամանակահատվածում:

Ըստ հանձնաժողովի՝ սա կարելի է բացատրել մի կողմից՝ «Հանրային ծառայության մասին» օրենքում 2022 թվականին կատարված փոփոխությամբ, ըստ որի՝ անհամատեղելիության պահանջներից բացառություն սահմանվեց համայնքի ավագանու անդամների համար, մյուս կողմից՝ Հանրապետության տարբեր համայնքներում 2022 եւ 2023 թվականների ՏԻՄ ընտրությունների անցկացմամբ:

Հավելելով, որ Հանձնաժողովի կողմից մշտադիտարկման արդյունքները ցույց են տվել, որ ուսումնասիրության սույբեկտ հանդիսացած 108 անձանցից 57-ը կամ 52.7-ը երբեւէ ներգրավված չեն եղել բիզնես գործընթացներում՝ չեն հանդիսացել առետրային կազմակերպության մասնակից կամ գործադիր մարմինների ներկայացուցիչ, իսկ 51-ը կամ 47.3%-ն ունեն կամ ունեցել են բաժնեմասնակցություն եւ ներկայացվածություն տարբեր առետրային կազմակերպություններում, հանդիսա-

ցել են անհատ ձեռնարկատեր, այդուհանդերձ պահպանել են «Հանրային ծառայության մասին» օրենքի պահանջները՝ պաշտոնի ուսումնասիրության հետ օրենքով սահմանված ժամկետներում բաժնեմասերը հավատարմագրային կառավարման հանձնելով եւ ներկայացվածությունը դադարեցնելով կամ համապատասխան դեպքերում ԱԶ-ն հաշվառումից հանելով:

Ստացվում է, որ վարչապետի ղեկավարած եւ նրան առընթեր մարմինների աշխատակիցներին են գրանցել ԱՊ ընտրացուցակում, որպեսզի մի քանի ավելի ծայն հավաքի իշխող խմբակցությունը:

Սակայն հիշեցնենք, որ Երեսանի ավագանու ընտրությունների ընթացքում ՏԻՄ-ի Ավինյանի գլխավորած «Քաղաքացիական պայմանագիր» կուսակցությունը ստացել է 65 մանդատներից 24-ը՝ ձայների 33%-ով, կորցնելով նախկին ընտրությունների համեմատ բացարձակ մեծամասնությունը:

ՀՄՄ ՄԻՔԱՅԵԼՅԱՆ

ԱՆՊՐԱՎՈՐՁՆԵՐ

ՄՏԱՎԱԽՈՒԹՅՈՒՆՆԵՐ ՏԻԳՐԱՆԱՇԵՆԻ ՇՈՒՐՋ

«Մեճ անկախությունը, ինքնիշխանությունը, դեռականությունը համարում ենք բարձրագույն գործիք մեր երկրի՝ ֆաղափարների անվանագրությունը, բարեկեցությունը, ազատությունը, արդարությունը եւ երջանկությունը ապահովելու համար», - այս մասին հայտարարել է ՀՀ վարչապետ Նիկոլ Փաշինյանը՝ Կաղանում «Քաղաքացիական դայմանագիր» կուսակցության նախաձեռնող խմբի նիստի ժամանակ:

«Հանկարծ չմտածեք, թե շատերը կան, որոնք մեր նման ուզում են այս պետությունը լինի», - հայտարարել է վարչապետը:

«Ժողովուրդ» օրաթերթը կապ հաստատեց ԱԺ նախկին պատգամավոր, ԲՀԿ խորհրդի անդամ Արման Աբովյանի հետ՝ հասկանալու համար, ի՞նչ նկատի ունի Նիկոլ Փաշինյանը այս հայտարարությամբ, որին ի պատասխան՝ ասաց, որ նախ պետք է պարզել, թե ինչ պետության մասին է խոսքը գնում:

Նրա խոսքով՝ իշխանության բոլոր խոսքերը պետք է ընկալվել 180 աստիճան հակառակ: Հաշվի առնելով իշխանու-

թյան քաղաքականությունը, ըստ որի՝ Հայաստանի Հանրապետությունը գնում է դեպի տոտալ ապամոնոստաման, դա նվազագույնը կարելի է որակավորել, որպես մանիպուլյացիայի նոր դրսևորում:

«Ըստ էության, ունենք մի իրավիճակ, երբ իշխանությունը կասկածի տակ է դնում Հայաստանի Հանրապետության սահմանները, ջարդոկություն անում անվտանգային ճարտարապետությունը, որը Հայաստանի շուրջ ձեւավորվել է տարիներ ի վեր, եւ դրա հետ մեկտեղ հնազանդ կերպով կատարում է Ադրբեյջանի եւ Թուրքիայի պայմանները, հետո դա ներկայացնելով որպես ներքին որոշում՝ երկիրը տանում է դեպի ապամոնոստաման:

Եթե դուրս գանք հուզական դաշտից, պարզապես դիտարկենք իրավիճակը փաստերով, ապա կտեսնենք, որ Հայաստանի իյուսիսը՝ պաշտպանական գոտին փլուզեցին՝ անունը դնելով «դեմարկացիա եւ դեղիմիտացիա»: Հիմա նույնը փորձելու են անել Հայաստանի հետ, արդեն պայմանական՝ կենտրոնական մասերի հետ: Ես մտավախություն ունեմ որ ՏԻՄ-ը անաշտենի հերթն է գալիս»:

«Ժողովուրդ» օրաթերթը, Նիկոլ Փաշինյանի վերոնշյալ արտահայտության վերաբերյալ մեկնաբանություն ստանա-

լու համար, կապ հաստատեց նաեւ քաղաքագետ Թեան Պողոսյանի հետ՝ մեկնաբանություն ստանալու նպատակով, վերջինս մեջբերեց Մոնթե Մելքոնյանի խոսքերը. «Կորցնելով Արցախը՝ շրջելու եք հայոց պետականության վերջին էջը»:

Քաղաքագետի խոսքով՝ Ալիեը շրջել է տվել, գրիչը դրել է գործող իշխանության ձեռքին եւ ասում է՝ «Սահմանադրություն պիտի փոխես, Սեւանի ջրի ավազանը համատեղ ենք օգտագործելու», հրամայում է քարտեզներ հրապարակել, թե ինչպես է պատկերացնում Սեւանը՝ մեջտեղից կիսած, ասել է՝ Սյունիքի միջանցքը տալու եք, կամավոր չտաք՝ ուժով եք տալու:

«Ես մի բան գիտեմ՝ ցանկացած բան կարելի է արտասանել, բայց գործողություններին պետք է նայել», - նշել է Թեան Պողոսյանը:

Նշենք, որ Նիկոլ Փաշինյանը դեռ կիրակի օրը մեկնել է Սյունիք ու այցելել նաեւ այն համայնքները, որոնք գտնվում են թշնամու թիրախում, ավելին՝ նրա հուղության տակ են կարեւոր ենթակառուցվածքները:

ՀՄՄ ՄԱՐՏԻՐՈՍՅԱՆ

ԶԱՅՆԱԳՐՈՒԹՅՈՒՆՆԵՐ

ԻԲԻԵՎ ԹԵ ԱՆՁԱՆՑ ԵՅՈՒԹԱՊԵՍ ԸՆԴԱԳՐԳՈՒԵԼ ԵՆ

«Տավուրը հանուն հայրենիքի» նախաձեռնության հավաքներին անձանց նյութաղես շահագրգռելու համար ֆրեական հեռադիմում է հարուցվել երկու անձի նկատմամբ...



Քրեական վարույթի շրջանակում մեղադրանք է ներկայացվել 10 անձի, որոնցից 3-ը կալանավորվել է... Ինչպես հունիսի 15-ին տեղեկացվել էր...

ժամանակահատվածում՝ ինչպես հեռախոսագրանցների, այնպես էլ կայացած հանդիպումների, այդ թվում՝ Նաե Կայքի ՅՅԴ գրասենյակում տեղի ունեցած ՅՅԴ ԳՄ անդամի մասնակցությամբ խորհրդակցության ընթացքում...

ԼՈՒՐԵՐ

ՀՀ ՕՐԵՆՔԻ ՊԱՀԱՆՋՆԵՐԻ ԽԱԽՏՈՒՄ

Պետական եկամուտների կոմիտեն ներկայացնում է 2024 թվականի մայիս ամսվա ընթացքում «Անկանխիկ գործառնությունների մասին» ՅՅ օրենքի պահանջների խախտումներ թույլ տված հարկ վճարողների վերաբերյալ տեղեկատվությունը...

ԱԾԵԼԻՈՎ ՎՆԱՍԵԼ Է ԻՐԵՆ

Հունիսի 13-ին երեկոյան 1-ին համալսարանական հիվանդանոցից ահագանգ է եղել, որ «Դատապարտյալների հիվանդանոց ԹԿԻ-ից «Նախաբազկի կտրված վերք» ախտորոշմամբ բուժօգնության է տեղափոխվել 29-ամյա Ա.Ֆ-ն...

Վ. ՔԵՐՈՒՅԱՆԻ ՏՆԱՅԻՆ ԿԱԼԱՆՔԻ ԺԱՄԿԵՏԸ ԱՎԱՐՏՎԵԼ Է

Էկոնոմիկայի նախկին նախարար Վահան Քերոյանի տնային կալանքի ժամկետը սպառվել է: Քերոյանն այս մասին գրել է «Ֆեյսբուք»-ի իր էջում: «Սպառվեց իմ քառամսյա տնային կալանքի ժամկետը: Այս ընթացքում ամեն օր ստացել եմ իմ բազմամղամ ընտանիքի անվերապահ սերն ու աջակցությունը...

ԼՈՒՐԵՐ

ՏՈՒՄԻՆՆԵՐ ԵՆՆԵՐԳՐԱՎԵԼ ԵՆ ՈՐՊԵՍ ՎԿԱ

«Ժողովուրդ» օրաթերթին հայտնի դարձավ, որ հունիսի 12-ին ոստիկանության կողմից նետած նռնակներից ձեռքի վիրավորում ստացած Եսային Ներգրավել են վկա: Հիշեցնենք, որ հունիսի 12-ին խորհրդարանի մոտ վարչապետի հրաժարականը պահանջող «Տավուրը հանուն հայրենիքի» շարժման մասնակիցների էլ ոստիկանների միջև բախումներ եղան...

թյունները որակել է «սահաբեկություն» խաղաղ հավաքի մասնակիցների, ինչպես նաև ԱԺ հարեանությամբ գտնվող այգում եղած քաղաքացիների նկատմամբ: Ըստ վարչապետ Նիկոլ Փաշինյանի՝ ոստիկանության հակազդեցությունը եղել է «իրավաչափ եւ պրոֆեսիոնալ»:

ԲԱՆՈՒՄԻՑ ՀԵՏՈ ՈՍՏԻԿԱՆՆԵՐԸ ՄՏԱՅԵԼ ԵՆ ՊԱՐԳԵՎԱՎՃԱՐ

Հունիսի 12-ին «Տավուրը հանուն հայրենիքի» շարժման ժամանակ ոստիկանությունը հատուկ միջոցներ կիրառեց Բաղրամյան-Դեմիրճյան խաչմերուկում

հավաքված ցուցարարների ողջությամբ: Դրանց թվում եղել է ռուսական արտադրության «Ջարյա 3» ձեռքի լուսաձայնային նռնակ: Լուսաձայնային նռնակներից վիրավորում էր ստացել 101 քաղաքացիական անձ: «Ժողովուրդ» օրաթերթի տեղեկություններով՝ ներքին գործերի նախարարությունն այդ դեպքից հետո աշխատակիցներին պարզեցվածքներ է փոխանցել՝ 200.000 դրամ: «Ժողովուրդ» օրաթերթի հետ զրուցում ՆԳ նախարարի մամուլի քարտուղար Նարեկ Սարգսյանը հաստատեց տեղեկությունը: «Ստանդարտ գործընթաց է եւ տարվա մեջ մի քանի անգամ ոստիկանության ծառայողները ստանում են պարզեցվածք եւ այդ վերջերս նույնպես ոստիկանության բոլոր ծառայողները ստացել են պարզեցվածք»:

● Ըստ ոստիկանության տվյալների՝ հունիսի 14-ից 17-ը ՅՅ ՆԳՆ ոստիկանության ստորաբաժանումների կողմից բացահայտվել է հանցագործության 196 դեպք, որից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՊԱՐՏԱԳՐԱՆՔՈՎ ՏՈՄՍԵՐ ԾԱԽԵԼՈՒ ՄԱՍԻՆ

Նախկինում գրել ենք, որ Տավուշի մարզպետարանը իր ենթակա մարզի հանրակրթական դպրոցների տնօրեններին պարտադրել է աշակերտներին վաճառել էկզոտիկ կենդանիներ ցուցադրող «Մադագասկար» շրջիկ կրկեսի տոմսերը: Դիվիզան համայնքի Հարդրին գյուղի միջնակարգ դպրոցի տնօրեն Գոհար Թամամյանն իր հերթին դպրոցի դասղեկներին պարտադրել է դպրոցի 5-8-րդ դասարանների աշակերտներին պարտադրաբար վաճառել այդ կրկեսի տոմսերը՝ նրանց ասելով, որ մարզպետարանից հաշվետվություն են ուզում տոմսերի վաճառքի վիճակի մասին: Տնօրեն Գ. Թամամյանը դասղեկներին սպառնացել է նրանց աշխատավարձից գումար պահել, եթե նրանք տոմսերը «լավ չիրացնեն» աշակերտներին: Հարդրին գյուղից սոցիալապես անապահով որոշ ծնողներ, որոնք օրվա հացի խնդիրը լուծելու խնդիր ունեն, իրենց երեխաներին պարտադրված տոմսերի առթիվ բողոքել են մեզ: Տավուշի մարզպետ Հայկ Ղալումյանին հետևյալ հարցապահումն ենք արել. «Դուք ի՞նչ շահագրգռվածություն ունեք, որ մարզի հանրակրթական դպրոցների տնօրեններին պարտադրել էք դպրոցներում անվճար տարածք տրամադրել, ամեն կերպ աջակցել «Մադագասկար» շրջիկ կրկեսի ներկայացումները, դպրոցների տնօրեններին պարտադրել էք աշակերտներին տոմսեր վաճառել եւ տոմսերի վաճառքի մասին ձեզ հաշվետվություն տալ: Դուք համերգային, թատերական այլ խմբերի ելույթներին աջակցելու համար նման կերպ պարտադրում եք հանրակրթական դպրոցների տնօրեններին»: Մարզպետարանից պատասխանել են. «Ցանկացած կրկեսային, համերգային, թատերական եւ տարատեսակ բնույթի ելույթները, որոնք կարող են հետաքրքիր եւ բովանդակալից դարձնել երեխայի օրը եւ որի համար մեզ դիմում են, մենք փորձում ենք աջակցել դրանց կայացմանը, քանի որ շատ երեխաներ (հատկապես գյուղական բնակավայրերում սովորող) չունեն հնարավորություն նմանատիպ միջոցառումների համար գնալու մայրաքաղաք, այն մատուցվում է նրանց ավելի մատչելի եւ հասանելի տարբերակով՝ իրենց իսկ դպրոցում, իսկ տոմսերի վաճառքը պայմանավորված է միայն երեխաների ցանկությամբ: Տավուշի մարզպետի աշխատակազմը երբեք որեւէ շահագրգռվածություն չի ունեցել եւ չունի նմանատիպ միջոցառումները պարտադրելու, ամեն ինչ արվում է ի բարօրություն երեխաների»: «Ի բարօրություն» երեխաների, դպրոցի տնօրենների ու դասղեկների միջոցով աշակերտներին, այդ թվում օրվա հացը մի կերպ հայթայթող ընտանիքների երեխաներին, չպետք է հարկադրել գաւազան միջոցառումների տոմսեր գնել, այլ պետք է թողնել այդ երեխաների ու իրենց ծնողների ֆինանսական հնարավորությանը, նրանց ընտրությանը, թե ուր գնալ կամ չգնալ, ինչ միջոցառումների ներկա գտնվել:

ՈՍՎԱՆ ՍՈՐՈՍՅԱՆ
Տավուշ

ՇՈՒՆՈՒԽ

ԲՆԱԿԱՐԱՆՆԵՐԸ ՎԱՆՁՆՎԵՑԻՆ՝ 3,5 ՏԱՐԻ ՈՒՇԱՑՈՒՄՈՎ

44-օրյա դաստրագից հետո Շուշու-խի 13 տուն անցել էր Ադրբեջանի վերահսկողության սակ: Նոր սներդ դեմ է բնակիչներին հանձնվելին դեռ 2021 թվականին, սակայն սներդ հանձնվել-ցին բնակիչներին հանձնվելցին 3,5 տարի անց՝ 2024 թվականի հունիսի 16-ին:

ՀՀ վարչապետ Նիկոլ Փաշինյանը տեղգրամյան էջում տեսանյութ է հրապարակել Շուշու-խի նորակառույց թաղամասից՝ կից գրելով. «Նորակառույց 13 տունն այսօր վիճակահանությամբ իբրեւ սեփականություն հանձնեցինք շուշու-խի 13 ընտանիքների: Շուշու-խի նորակառույց թաղամասը պատրաստ է»:

Հիշեցնենք, որ նոր թաղամասի շահագործումը, հինգերորդ անգամ հետաձգվելուց հետո, միայն այս տարի կայացավ:

2023 թվականի դեկտեմբերին Քաղաքաշինության կոմիտեից հայտնել էին, որ նոր թաղամասում 13 տների եւ անասնազուների շինարարությունն ավարտվել է, մնացել է ավարտել բարեկարգումը, ապահովել ջրով եւ էլեկտրականությամբ:

Գյուղի բնակիչները, սակայն, պնդում էին հակառակը:

2023 թվականի սեպտեմբերին գործադիրը հայտարարեց, որ Սյունիքի մարզի Գորիս համայնքի Շուշու-խ բնակավայրում բնակելի թաղամասի կառուցումն ավարտին հասցնելու համար անհրաժեշտ է լրացուցիչ 228 մլն դրամ գումար: Հավելենք, որ Շուշու-խի նոր բնակելի թաղամասի կառուցման պայմանագրա-



յին ընդհանուր արժեքը շուրջ 1,2 մլրդ դրամ էր:

Բնակիչները մինչ շահագործումը պնդում էին, որ նոր թաղամասը, ինչպես ամբողջ գյուղը, ջրի կարիք ունի: Հիմնական աղբյուրների կորստից (որոնք Ադրբեջանի վերահսկողության տակ են մնացել) հետո կառուցված նոր ջրագիծը գյուղի պահանջները ընդհանրապես չի բավարարում: Ջուրը բավականացնում է ընդամենը մեկ-երկու տունն ապահովելու համար:

Ընդ որում, բնակիչները նախապես զգուշացրել էին իշխանություններին, այդ թվում՝ ՀՀ վարչապետ Նիկոլ Փաշինյանի այցի ժամանակ, որ աղբյուրը, որին

միացվել է խողովակը, չափազանց սակավաջուր է, եւ խնդիր չի լուծի:

Գյուղի մյուս խնդիրներից է նաեւ տրանսպորտը: Շաբաթը երկու անգամ Գորիսից գյուղ է գնում միկրոավտոբուս, բայց այն ծանրաբեռնված է լինում, քանի որ սպասարկում է միանգամից երեք գյուղ՝ Որոտան, Շուշու-խ եւ Բարձրավան:

Ստացվում է, որ իշխանությունները, իրենց հանդեպ ցատումը կանխելու համար, հարմար ժամանակ ավարտին հասցրին բնակարանների կառուցումը եւ եւս մեկ անգամ իրենց հեղինակությունը բարձրացնելու «մեծ» քայլ արեցին:

ՀՄԱ ՄԻՔԱՅԵԼՅԱՆ

«ԼՎԱԿԱԳՈՒՅՆ ԳԻՏԱԿԱՆ ԱՇԽԱՏԱՆՔ»


ՀԱՅՏՆԻ ԵՆ ՄՐՑՈՒՅԹԻ ՀԱՂԹՈՂՆԵՐԸ

Մայն թվականի հունիսի 15-ին տեղ ունեցավ «Լավագույն գիտական աշխատանք» մրցույթի մրցանակաբաշխությունը:

Մրցույթը երիտասարդ գիտնականների համար (մինչեւ 45 տարեկան) հայտարարել էին ՀՀ Գիտությունների ազգային ակադեմիան եւ Ռուսաստանի հայերի միությունը: Մրցույթով սահմանվել էին 1-ին եւ 2-րդ կարգերի մրցանակներ 4 անվանակարգերում 2021-2023 թվականներին հրապարակված գիտական հոդվածների, հոդվածների շարքի, մենագրությունների կամ արտոնագրված աշխատանքների համար: Մրցանակային ընդհանուր ֆոնդը 8 միլիոն դրամ է:

«Ֆիզիկամաթեմատիկական եւ տեխնիկական գիտություններ» անվանակարգում 1-ին կարգի մրցանակ է շնորհվել ՀՀ ԳԱԱ ֆիզիկական հետազոտությունների ինստիտուտից Արմեն Սարգսյանին: 2-րդ կարգի մրցանակ ստացել են Երեւանի պետական համալսարանից Տիգրան Աբրահամյանը եւ ՀՀ ԳԱԱ մաթեմատիկայի ինստիտուտից Արմեն Վաղարշակյանը:

«Քիմիա եւ Երկրի մասին գիտություններ» անվանակարգում 1-ին կարգի մրցանակը շնորհվել է ՀՀ ԳԱԱ օրգանական եւ դեղագործական քիմիայի գիտատեխնոլոգիական կենտրոնից Էլմիրա Հակոբյանին: 2-րդ կարգի մրցանակը ստացել է Երեւանի պետական համալսարանից Գոհար Շահինյանը:



«Կյանքի մասին գիտություններ» անվանակարգում 1-ին կարգի մրցանակին արժանացել է ՀՀ ԳԱԱ մոլեկուլային կենսաբանության ինստիտուտից Արսեն Առաքելյանը: 2-րդ կարգի մրցանակը ստացել է Երեւանի պետական համալսարանից Կարեն Թոշոնյանը:

«Հայագիտություն եւ հասարակական գիտություններ» անվանակարգում 1-ին կարգի մրցանակը ստացել է ՀՀ ԳԱԱ հնագիտության եւ ազգագրության ին-

ստիտուտից Հայկ Հակոբյանը: 2-րդ կարգի մրցանակը շնորհվել է ՀՀ ԳԱԱ լեզվի ինստիտուտից Մերի Սարգսյանին:

Մրցանակակիրները պարգևատրվել են դրամական պարգևներով եւ արժանացել են ՀՀ Գիտությունների ազգային ակադեմիայի եւ Ռուսաստանի հայերի միության պատվավոր դիպլոմների:

ՀՀ ԳԱԱ գիտության հանրայնացման եւ հասարակայնության հետ կապերի բաժին

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 44 պատահար. 72 մարդ ստացել է տարբեր աստիճանի մարմնական վնասվածքներ:

ԻՐԱՎԻՃԱԿ

ԳՐՈՒԹՅՈՒՆԸ՝ ԱՂԵՏԻ ԳՈՏԻՆԵՐՈՒՄ

Մայիսի 26-ին տեղացած հորդառատ անձրևների հետևանքով հեղեղումներից հետո Լոռու եւ Տավուշի մարզերում առաջացել էր արտակարգ իրավիճակ: Այնտեղ մի շարք համայնքներ հայտարարվել էին աղետի գոտիներ:

Վերը նշվածից տուժել էին տեղի շատ բնակիչներ, ինչից հետո, կառավարության որոշմամբ, հորդառատ անձրևներից հետո առաջացած հեղեղումների հետևանքները վերացնելու համար մարզպետարաններին 300 մլն դրամ պետք է հատկացվեր:

«Ժողովուրդ» օրաթերթը կապ է հաստատել ՀՀ Լոռու մարզի մարզպետ Արամ Ղազարյանին հետ՝ պարզելու՝ տրամադրվել են տուժողներին համապատասխան փոխհատուցումները:

Մեզ հետ զրույցում մարզպետ Ղազարյանն ասաց, որ համարյա պատրաստ է առաջին փուլի փոխհատուցման փաթեթը:

«Երեւի լսել եք, որ վարչապետի մոտ խորհրդակցություն էին, քննարկվում էր այդ փոխհատուցումների հետ կապված հարցերը, մեծ առումով արդեն իսկ պատրաստ է այդ փոխհատուցման առաջին փուլի փաթեթը: Ամենայն հավանականությամբ, օրերի ընթացքում որոշումը կլինի: Գլոբալ առումով գրեթե ամեն բան ավարտական փուլում է գտնվում, փոքր դետալներ են մնացել. հենց առաջին փուլի փոխհատուցումը մարդկանց տների վերանորոգման, առաջին պարագաների, տան պարագաների հետ կապված է լինելու, այդ փուլը շատ արագ կլինի, մնացածը քննարկման փուլում է», - մեզ հետ զրույցում ասաց Ղազարյանը:

Հիշեցնենք, որ աղետի գոտիներում եղել էր անհրաժեշտություն կամավորների, այդ իսկ պատճառով էլ շատերը կամավոր կերպով աշխատում էին աղետի գոտիներում:

Լոռու մարզպետից հետաքրքրվեցինք նաեւ՝ արդյո՞ք կամավորները շարունակում են մնալ աղտի գոտիներում, ինչին ի պատասխան՝ մարզպետն ասաց. «Կամավորների մեծ մասը հիմնականում հետ է վերադարձել՝ հաշվի առնելով, որ այն, ինչը առաջին անհրաժեշտության համար էր եւ արագ պետք է արվեր, կատարել է նաեւ նրանց շնորհիվ, բայց ներկա պահին էլ ունենք կամավորներ, որ ուրիշ աշխատանքներ են կատարում, ուղղակի մի քիչ ավելի փոքր ծավալի»:

Լոռու մարզպետարանից հայտնեցին նաեւ, որ աղետի գոտում երկաթուղու աշխատանքը վերականգնվել է,:

«Հեղեղումից կարճ ժամանակ անց՝ երեկ արդեն, շահագործվել է Ալավերդուց դեպի Այրում վնասված երկաթգիծը: Բեռնատար գնացքն անցել է և որոգված երկաթգծով», - ասված է հայտարարության մեջ:

Ոստիկանությանը եւս հանձնարարվել է խիստ հսկողություն սահմանել:

ԳՈՐԾԱՐՄԸ

ԳՈՐԾԱՐՄԱՆԸ ՀԱՆՁՆՎԵԼ Է ՀԱՅ ԶԵՌՆԵՐԵՑԻՆ

Ամերիկյան Caterpillar-ի ռուսական ակտիվները, ներառյալ հասնել սեխնկայի գործարանը Տոսնո քաղաքում («Կասերիլար Տոսնո» ՍՊԸ, Լենինգրադի մարզ) եւ Մոսկվայի լիզինգային դուստր ընկերությունը (Կասերիլար Ֆայնենսը) ՍՊԸ), հանձնվել են հայ ձեռներեց Գավիթ Ամարյանի Balchug Capital հիմնադրամի կողմից վերահսկվող ռուսական ընկերությանը:

Իրավաբանական անձանց միասնական պետական ռեեստրի տեղեկության համաձայն՝ գործարքը կնքվել է հունիսի 14-ին, երբ Caterpillar ընկերության երկու ռուսական դուստր ընկերությունների վերահսկողությունը անցել է 2022թ. օգոստոսին գրանցված մոսկովյան «ՊՍԿ-Նոր լուծումներ» ՍՊԸ-ին: Այդ ընկերության հիմնական սեփականատերը հունիսի սկզբից «Բալչուգ Կապիտալ» ՓԲԸ-ն է (99 տոկոս), մնացած 1 տոկոսի սեփականատերը Արտյոմ Օրոսն է:

Ավելի վաղ՝ հունիսին, Օրոսը «ՊՍԿ-Նոր լուծումներ» ՍՊԸ գլխավոր տնօրենի պաշտոնում փոխարինել էր Կիրիլ Պոլիշկինին: Պոլիշկինը վերահսկում էր «ՊՍԿ-Նոր լուծումներ» ՍՊԸ 99 տոկոս բաժնեմասը «Ռոմուալդ» ՍՊԸ-ի միջոցով, Յան Վեյցմանի հետ միասին, որին «Ռոմուալդ» պատկանում էր մնացած 1 տոկոսը: Բաց արքյուրների տվյալներով՝ Պոլիշկինը նախկինում եղել է խոշոր հաճախորդների հետ աշխատանքի գծով դեպարտամենտի փոխտնօրեն Sberbank CIB-ում, իսկ Վեյցմանը գլխավորել է «Սբերի» հաճախորդների հետ աշխատանքի վարչությունը մետալուրգիայում եւ լեռնահանքային արդյունաբերությունում:

Ռուսաստանի ներդրողին Caterpillar-ի ակտիվների հանձնումը 2023թ. վերջին իր կարգադրությամբ հավանության էր ար-



ժանացրել ՌԴ նախագահ Վլադիմիր Պուտինը:

Caterpillar-ը 2022թ. գարնանը դադարեցրել էր Տոսնոյի գործարանի աշխատանքը պատժամիջոցների եւ լոգիստիկ խափանումների պատճառով Ուկրաինայում ռազմական գործողությունների ֆոնին:

Caterpillar-ի Տոսնոյի գործարանն աշխատում էր 2000 թվականից՝ արտադրելով ամենազանա քարհանքային բեռնատարներ եւ հիդրավլիկ էքսկավատորներ Cat բրենդի, ինչպես նաեւ բարդորիչներ մեքենաների եւ սարքավորումների համար, որոնք ընկերությունն արտահանում էր իր եվրոպական գործարաններ: «Կատերիլար Տոսնո» ՍՊԸ-ն «Նեամաշ»-ի իրավահաջորդն է, որը գրանցվել է 1994-ին, երբ ամերիկյան ընկերությունն սկսել էր արտադրել կոմպլեկտավորողներ հա-

տուկ տեխնիկայի համար, «Կիրովի գործարանի» հետ համատեղ:

«СПАК-Ինտերֆաքս» վերլուծաբանական համակարգի տվյալներով՝ ձեռնարկության հասույթը 2021թ. կազմել է մոտ 5,9 մլրդ ռուբլի, 2023թ.՝ ընկել է 210 մլն ռուբլի: Ընկերությունը երեք տարի անընդմեջ զուտ վնաս է կրում՝ մոտ 890 մլն ռուբլի 2021թ. եւ մոտ 2 մլրդ՝ 2022 եւ 2023թթ. համապատասխանաբար:

«Կատերիլար Ֆայնենսըլի» շրջանառությունը, որը մասնագիտանում է հատուկ տեխնիկայի լիզինգի ոլորտում, 2023թ. արդյունքներով ունեցել է վնաս՝ 800 մլն ռուբլի 2021թ. 10,3 մլրդ ռուբլու դիմաց: Ընկերության զուտ վնասը անցած տարի գերազանցել է 1 մլրդ ռուբլին, այն դեպքում, երբ 2021թ. արդյունքներով ընկերության շահույթը 1,5 մլրդ ռուբլուց բարձր էր:

«ԲԼՈԿՉԵՅՆ ԵՎ Web3 ՏԵԽՆՈԼՈԳԻԱՆԵՐ»

ԱՌԱՋԻՆ ԿՐԹԱԿԱՆ ԾՐԱԳԻՐԸ 60 ՌԻՍԱՆՈՂ ՌԻՆԻ

«Բլոկչեյն եւ Web3 տեխնոլոգիաներ» մասնագիտությամբ բակալավրի որակավորում սրամադրող աշխարհում առաջին եւ միակ կրթական ծրագիրը, որը վերջերս էր ներկայացվել հանրությանը, ունի 60 դիմորդ: Մեղսներեցի մեկնարկող ուսումնական սարվանից նրանք հնարավորություն կստանան սովորելու այս բացառիկ կրթական ծրագրով:

Այս ծրագիրը Հայաստանի ազգային պոլիտեխնիկական համալսարանի, ՀՀ բարձր տեխնոլոգիաների արդյունաբերության նախարարության եւ Web3 Հայաստան հիմնադրամի նախաձեռնությունն է:

Այս ծրագիրն աշխարհում առաջինն է, որն առաջարկում է բակալավրի կոչում «Բլոկչեյն եւ Web3 տեխնոլոգիաներ» մասնագիտությամբ՝ դառնալով նշանակալից նշանոթ բարձր տեխնոլոգիաների ոլորտում երկրի կրթական առաջընթացի համար:

«Առանձնահատուկ կարեւորում են, որ ծրագրի նկատմամբ եղել է շատ մեծ հետաքրքրություն, սակայն ընտրվել է 60 դիմորդ, ովքեր իրենց կրթությունը կսկսեն ծրագրի շրջանակում: Սա շատ կարեւոր ծրագիր է, որը Հայաստանը դիրքավորելու է համաշխարհային քարտեզի վրա՝ որ-



պես թվային կրթության եւ նորարարության առաջատար: Եվ մենք շատ ուրախ ենք, որ կարողացանք իրականացնել այն եւ հավաքագրման փուլն այսքան բարեհաջող էր», - նշում է Web3 Հայաստան հիմնադրամի համահիմնադիր Արտյոմ Հարությունյանը:

Բակալավրիատի ծրագիրը, որը մշակվել է համալսարանի եւ Web3 Armenia հիմնադրամի առաջատար փորձագետներ-

ի հետ համատեղ, նպատակ ունի ուսանողներին զինելու խորը գիտելիքներով եւ գործնական հմտություններով բլոկչեյնի վերաբերյալ: Ուսումնական ծրագիրը ստեղծվել է այս նորարար տեխնոլոգիական ոլորտում հմուտ մասնագետների աճող պահանջարկը լուծելու համար՝ խթանելով ակադեմիական գերազանցության եւ իրական աշխարհի խնդիրների լուծման միջավայրը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ԽՆԿԱՐԿՄԱՆ ԱՐԱՐՈՂՈՒԹՅՈՒՆ

ԵՐՎԱՆԻ ՔՈՉԱՐ 125. ՀԻՇԱՏԱԿԻ ՕՐ

Հունիսի 15-ին լրացավ մեծանուն Բանդակագործ-արձանագործ, նկարիչ Երվանդ Քոչարի ծննդյան 125-ամյակը:

Այս առիթով Երեւանի քաղաքային պալատում ՀՀ ԿԳՄՍ Նախարար Ժաննա Անդրեասյանը եւ Նախարարի տեղակալ Ալֆրեդ Քոչարյանը մասնակցել են Երվանդ Քոչարի հիշատակի խնկարկման արարողությանը եւ ծաղիկներ խոնարհել արվեստագետի շիրիմին:

Միջոցառմանը մասնակցել են նաեւ ԿԳՄՍՆ մշակութային ժառանգության վարչության պետ Աստղիկ Մարաբյանը, Երվանդ Քոչարի թանգարանի տնօրեն Կարինե Քոչարը, Հայաստանի ազգային պատկերասրահի տնօրեն Մարիա Հակոբյանը, մեծանուն արվեստագետի ընտանիքի անդամները, նրա արվեստի երկրպագուները, արվեստագետներ:

«Երվանդ Քոչարի թողած ժառանգությունը համաշխարհային արվեստի մաս է, եւ դրանով նա հայաստանյան մշակույթը բարձրացնում է համաշխարհային մակարդակի: Կարծում եմ՝ թե՛ քանդակագործության, թե՛ նկարչության մեջ Քոչարի ստեղծած ժառանգությունը եւ նրա դրած ուղեկիցները շատ արվեստագետների են ոգեշնչել ու ոգեշնչում, նրա գործերն աշխարհի տարբեր թանգարաններում են ցուցադրվում, ավելի մեծ շրջանակների ուսումնասիրության նյութ են դառնում: Մեզ համար հատկապես կարեւոր է նրա 125-ամյակի առթիվ եւս մեկ անգամ արժեւորվել արվեստագետին եւ նրա թողած ժառանգությունը», - ասել է Ժաննա Անդրեասյանը:

Նախարարի տեղակալ Երվանդ Քոչարի ծննդյան 125-ամյակին նվիրված միջոցառումները շարունակական կլինեն ողջ տարվա ընթացքում. ձեւավորվել է կառավարական հանձնաժողով՝ մեծանուն արվեստագետի հոբելյանը պատշաճ



կազմակերպելու եւ նշելու համար: Անցկացվելու են տարբեր միջոցառումներ ինչպես Երեւանում եւ ՀՀ մարզերում, այնպես էլ արտերկրում, լինելու են ստեղծագործությունների եւ ֆիլմերի ցուցադրություններ, կրթական ծրագրեր ու առանձին միջոցառումներ:

«Այսօրինակ միջոցառումներով փորձելու ենք եւս մեկ անգամ հանրահայտել, գնահատել եւ արժեւորել Երվանդ Քոչարի անունը, ստեղծագործությունները: Հատկանշական է նաեւ, որ այս տարի նշելու ենք մեր մայրաքաղաքի խորհրդանշաններից մեկի՝ «Սասունցի Դավիթ» արձանի տեղադրման 65-ամյակը, որի քանդակագործը Երվանդ Քոչարն է: Այսօրինակ մի-

ջոցառումներով եւս մեկ անգամ կբացահայտենք Երեւանի այն բոլոր կարեւոր վայրերը, որոնք կապված են Քոչարի ստեղծագործական գործունեության հետ: Նմանօրինակ նախաձեռնությունները հետաքրքրություն կառաջացնեն նաեւ զբոսաշրջիկների շրջանում այլ տեսանկյունից բացահայտելու Երեւանը», - նշել է Ժաննա Անդրեասյանը:

Պանթեոնի միջոցառումից հետո Երվանդ Քոչարի թանգարանում տեղի է ունեցել արվեստագետին նվիրված հուշ-ցերեկույթ: Ներկայից անդադարձել են Երվանդ Քոչարի կյանքին, ստեղծագործություններին, գործունեությանը:

ՀՈՐԻ ԲԱՂՈՍԱՍՅԱՆ

ՄԱՐԶԱԿԱՆ

ՄՐՑԱՇԱՐԻ ԱՌԱՋԱՏԱՐՆԵՐԻՑ Է

Հայաստանի շախմատի տղամարդկանց թիմի անդամ Գաբրիել Սարգսյանը հաջող է մեկնարկել «Teplice Open 2024» միջազգային մրցաշարում:

Երկու տուրից հետո Գաբրիել Սարգսյանն ու եւս 40 շախմատիստ ունեն 2-ական միավոր: Մեկնարկում Գաբրիել Սարգսյանը գերազանցել էր Լեհաստանից Պիոտր Կոնդիսին, իսկ երկրորդ տուրում Թուրքիայից Ատիլա Կուրուին:

Ֆիդե-ի հովանու ներքո անցկացվող «Teplice Open 2024» միջազգային մրցաշարին մասնակցում է մոտ 300 շախմատիստ: Մրցաշարի ամենաբարձր վարկանիշ ունեցող մասնակիցը Հայաստանի շախմատի տղամարդկանց թիմի անդամ գրոյսմայստեր Գաբրիել Սարգսյանն է:

ՄԵՐՏՉՅԱՆԸ՝ ԱՇԽԱՐՀԻ Մ-20 ՓՈԽՉԵՄՊԻՈՆ

Հայաստանի ներկայացուցիչ Մարիամ Սկրտչյանը նվաճեց Հնդկաստանում անցկացված շախմատի աշխարհի մինչեւ 20 տարեկան աղջիկների առաջնության փոխչեմպիոնի կոչումը:

Վերջին տուրում Մարիամ Սկրտչյանը պարտության մատնեց հնդիկ Ռավի Ռավի շիտային եւ վաստակեց 9,5 միավոր: Չեմպիոնի կոչումը նվաճեց հնդիկ Դիվյա Դեշմուկը, որը 11 հնարավորից վաստակեց 10 միավոր: Մարիամ Սկրտչյանը ոչ մի պարտություն չկրեց այս առաջնությունում՝ 8 հաղթանակ, 3 ոչ-ոքի:

ԽԱՉԱՆՈՎԸ 22-ՐԳՆ Է ՄՐՑԱՇԱՐՈՒՄ

Պրոֆեսիոնալ թենիսիստների ասոցիացիան (ATP) հրապարակել է մենախաղի թարմացված վարկանիշային աղյուսակը:

Կարեն Խաչանովը 22-րդն է վարկանիշում: Առաջատարը շարունակում է մնալ իտալացի Յանիկ Սիները: Երկրորդ տեղում իսպանացի Կարլոս Ալկարասն է, երրորդում սերբ Նովակ Ջոկովիչը:

ATP վարկանիշը հունիսի 17-ի դրությամբ.


1. Յանիկ Սիներ (Իտալիա) - 9480 միավոր.
2. (2). Կարլոս Ալկարաս (Իսպանիա) - 8580.
3. (3). Նովակ Ջոկովիչ (Սերբիա) - 8360.
4. (4). Ալեքսանդր Զվերեւ (Գերմանիա) - 6885.
5. (5). Դանիլ Մեդվեդեւ (Ռուսաստան) - 6485.
6. (6). Անդրեյ Ռուբլեւ (Ռուսաստան) - 4710.
7. (9). Ալեքս դե Մինաուր (Ավստրալիա) - 4085.
8. (7). Կասպեր Ռուդ (Նորվեգիա) - 4025.
9. (8). Հոբերտ Հուրկաչ (Լեհաստան) - 3950.
10. (10). Գրիգոր Դիմիտրով (Բուլղարիա) - 3775.
22. (22). Կարեն Խաչանով (Ռուսաստան) - 1780

ԱԿՍԵԼ ԲԱԿՈՒՆՑ 125

ՀՈՒՆԻՅԱՆ ԱՅՏԱԿԱՆ ՄԻՋՈՑԱՌՈՒՄ

Գրականության եւ արվեստի թանգարանի «Ակսել Բակունցի տուն-թանգարան» մասնաճյուղում «Բակունց 125» հոբելյանական միջոցառմանը ներկա էին ՀՀ կրթության, գիտության, մշակույթի եւ սպորտի նախարար Ժաննա Անդրեասյանը, նախարարի տեղակալ Ալֆրեդ Քոչարյանը, Հայաստանի գրողների միության նախագահ Էդվարդ Միլիսոնյանը, Ազգային ռասիերա-րահի սֆորեն Մարինա Հակոբյանը, գրականության եւ արվեստի ոլորտի ներկայացուցիչներ:

Գրականության եւ արվեստի թանգարանի տնօրեն Սյուզաննա Խոջամիրյանն էլ անդրադառնալով Բակունցի մեծ հոբելյանին ասել է. «Այստեղ՝ Գորիսում, ծիրանափողը դեռ հնչում է, Միրոն պատմություններ է պատմում, իսկ ալպիական մանուշակը բուրբում է: Հենց այստեղ բուրբ մտովի ինքներս մեզ խոստանանք ի հիշատակ Բակունցի սիրելի, պահպանել եւ փայլալից մեր հողը»: Հոբելյանական օրվա շրջանակում թատերական ներկայացմամբ ելույթ են ունեցել Գորիսի Վ. Վաղարշյանի անվան պետական դրամատիկական թատրոնի դերասանները, այնուհետեւ համերգային ծրագրով ներկա-



յացան ԵՊԿ պրոֆեսոր, դաշնակահար Մարգարիտ Սարգսյանը, երգչուհի Լուկա Երեմյանը, ջութակահար Գարեգին Գրիգորյանը, Գորիսի երաժշտական դպրոցի սաները: Ա. Բակունցի տուն-թանգարանի այգում տեղի ունեցավ հանդիպում գրող-հրապարակախոս, Նյու Յորքի Գիտությունների ակադեմիայի պատ-

վավոր անդամ Յակոբ Այնթապեանի հետ: Հոբելյանական օրվա կարեւոր իրադարձություններից էին նաեւ Մարիամ Ասլամազյանի «Բակունցը մոր հետ» դիմանկարի՝ հավելվածով անիմացիայի եւ «Սյունյաց երկիր» թերթի՝ Ակսել Բակունցին նվիրված հատուկ համարի շնորհանդեսները:

● Հունիսի 20-ին՝ ժամը 19:00-ին, Գ. Սունդուկյանի անվան ազգային ակադեմիական թատրոնում տեղի կունենա «Մեծապատիվ մուրացկանները» ներկայացումը: Տոմսերի արժեքը՝ 1000-3000 դրամ:



ԻՐԱՎՈՒՆՔ

ՀԱՐՑ. ՀՀ սահմանում կառուցված բազմաբնակարան բնակելի շենքում անմիջապես կառուցադասողից հիփոթեքային վարկով բնակարան ձեռք բերած վարկառուի միաժամանակ վարձու աշխատող եւ անհաս ձեռնարկատեր Է. սվյալ դեղյում ինչդե՞ս է կասարվում եկամտային հարկի գումարների վերադարձը:

Գարիկ Սուրադյան (42 տարեկան)



ՊԱՏԱՍԽԱՆ. ՀՀ կառավարության՝ 19.02.2015թ. N 205-Ն որոշման 3-րդ կետի համաձայն՝ եթե վարկառուն միաժամանակ վարձու աշխատող է անհատ ձեռնարկատեր է, ապա հաշվետու տարվա համար ներկայացված տարեկան հաշվարկի հիման վրա հաշվարկված եւ վճարված եկամտային հարկի գումարների վերադարձը կատարվում է տվյալ տարվա ընթացքում հիպոթեքային վարկի սպասարկման համար վճարված տոկոսների հանրագումարի եւ տվյալ տարվա եռամսյակների ամիսների համար վճարված եւ վերադարձված (վերադարձման ենթակա) եկամտային հարկի հանրագումարի դրական տարբերության չափով:

ՀՀ պետական եկամուտների կոմիտե

«ԺՈՂՈՎՈՒՐԳ». Համաձայն ՀՀ կառավարության՝ 19.02.2015թ. N 205-Ն որոշման 4-րդ կետի՝ վարձու աշխատողին հաշվետու եռամսյակի որեւէ ամսում հաշվարկված աշխատավարձից եւ դրան հավասարեցված վճարումներից տարբերվող այլ հարկվող եկամուտներ վճարված լինելու դեպքում այդ եկամուտների մասով հաշվարկված եւ վճարված եկամտային հարկի գումարները վերադարձման ենթակա չեն:

Էջը՝ ԱԼՎԱՐԴ ԿՈՇԿԱԿԱՐՅԱՆԻ

ՍՈՑԻԱԼԱԿԱՆ

ՀԱՐՑ. Բնակչության սոցիալական դաշտանության ԵՊՀ-ում խնամքի ընդհանուր սիոյի հաստատություն ընդունվելու համար ո՞ւմ դե՞ս է դիմի փաղափար:

Լուսինե Օհանյան (57 տարեկան)



ՊԱՏԱՍԽԱՆ. Քաղաքացին (կամ նրա օրինական ներկայացուցիչը) պետք է դիմի փաստացի բնակչության վարչի տարածքը սպասարկող սոցիալական աջակցության տարածքային գործակալություն կամ բաժին (այսուհետ՝ տարածքային մարմին), որտեղ քաղաքացուն տրամադրվում է «Խնամքի տրամադրման համար դիմած անձի բժշկական քարտ» ձեւաթուղթը, որը լրացվում է քաղաքացուն սպասարկող տարածքային պոլիկլինիկայի կողմից: Տարածքային մարմնի ղեկավարը որոշում է կայացնում խնամք տրամադրելու մասին եւ այն ներկայացնում է Աշխատանքի եւ սոցիալական հարցերի նախարարություն: Նախարարությունը, տարածքային մարմնից ստացած որոշումների հիման վրա, համակարգում է տուն-ինտերնատներ հաճախորդների ընդունելության գործընթացը:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Գնահատված կարիքների համաձայն՝ խնամքի ծառայությունները տրամադրվում են ծերության սոցիալական կենսաթոշակի տարիքի հասած կամ 18 տարին լրացած միայնակ (ՀՀ օրենսդրությամբ նախատեսված խնամող չունեցող կամ ընտանիքում աշխատունակ անդամ չունեցող) հաշմանդամներին:

ԼՈՒՐ ԿԱԴՐ

Լուսանկարը՝ համացանցից



Հայաստանի հավաքականի կիսապաշտպան Էդուարդ Սպեդյանը Հենրիկ Մխիթարյանի հետ լուսանկար է հրապարակել՝ վերնագրելով այն «Լավագույնի հետ»: Նկարի ձախ հատվածում Սպեդյանը պատանի տարիքում է Մխիթարյանի հետ, իսկ աջ հատվածում արդեն իբրեւ կայացած ֆուտբոլիստ: Հենրիկ Մխիթարյանը կիսվել է նկարով՝ նշելով՝ «Ծագող աստղի հետ»:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+8 + 10 +22 + 26	Արարատ	+16 + 18 +31 + 33
Կոտայքի լեռներ	+8 + 12 +21 + 24	Արմավիր	+16 + 18 +31 + 33
Կոտայքի նախալեռներ	+15 + 17 +28 + 30	Վայոց ձորի լեռներ	+8 + 11 +22 + 24
Գեղարքունիք	+10 + 13 +21 + 24	Վայոց ձորի նախալեռներ	+16 + 18 +31 + 33
Լոռի	+9 + 13 +24 + 27	Սյունիքի հովիտներ	+18 + 22 +29 + 32
Տավուշ	+15 + 17 +28 + 31	Սյունիքի նախալեռներ	+13 + 15 +25 + 28
Արագածոտնի լեռներ	+9 + 13 +21 + 24	ԼՂՀ	+13 + 14 +25 + 26
Արագածոտնի նախալեռներ	+15 + 18 +28 + 31	Երեւան	+19 + 21 +23 + 25

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 17.6.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: